



INATSISARTUT

Aningaasaqarnermut Naligiissitaanermullu Naalakkersuisoq

Ulloq: 16. maj 2023
J.nr.: 01.31.06/23-01028

Aningaasaqarnermut Akileraartarnermullu Ataatsimiititaliap tallimanngornermi ulloq 12. maj 2023-mi aalajangiineranik Naalakkersuisunut ilisimatitsineq.

Aningaasat katillugit Peqqinnissaq pillugu Ataatsimiititaliarsuarmut ilassutitut aningaasaliissutigineqarnissaat.

”Naalakkersuisut inassutigaaat,

- Peqqinnissaq pillugu Ataatsimiititaliarsuaq pillugu konto pingaarnermut 34.12.04-mut aningaasaliissutit 1.122.465 koruuninik qaffanneqassasut
- Ingerlatsinermut sillimmatit pillugit konto pingaarnermut 20.11.50-imut aningaasaliissutit 1.122.465 koruuninik ilanngarneqassasut
- aningaasat atunngitsuugaasinnaasut konto pingaarnermut 20.11.50-imut, ingerlatsinermut sillimmatinut tunngasumut, utertinneqassasut.

Aningaasaqarnermut Ataatsimiititaliap oqaaseqaatai apeqqutaalu:

Ataatsimiititaliap apeqqutaannut Naalakkersuisut akissutaat ataatsimiititaliamit qujassutigineqarpoq. Naalakkersuisut atuivallaarsimasut aammalu akuersissummik pisariaqartumik peqarani aningaasanik atuisoqarsimanera paasineqarpoq. Tassunga atatillugu kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaanni nr. 26, 28. november 2016-imeersumi § 8 naapertorlugu inatsisikkut aningaasaliisarnermut tunngavissaatitaasut ataatsimiititaliamit Naalakkersuisunut eqqaasitsissutigineqassapput:

§ 8. Aningaasaliissuteqartoqqaartinnagu aningaasartuuteqartoqassanngilaq aamma isertitaqartoqassanngilaq, taamaattoq tak. § 23, imm. 2

Tamanna assorsuaq isumakulunnartutut ataatsimiititaliamit isigineqarpoq aammalu pisut taamaattut uteqqinneqaaqqunagit suliani assingusuni aningaasaqarnermik aqutsinerminnik Naalakkersuisut sukatereqqullugit ataatsimiititaliamit sakkortunerpaamik kaammattorneqarput. Peqqinnissarli pillugu Ataatsimiititaliarsuup suliamik naammassinninnissaa pisariaqartutut ataatsimiititaliamit isigineqarpoq, tamannalu pissutaavoq qinnuteqaatip allatut ajornartumik akuerisariaqarneranik ataatsimiititaliap aalajangeranarut. Tamatuma saniatigut nalinginnaasumik ilisimatitsissutitut paasissutissiissutigineqassaaq suliaq pillugu Kukkunersiuinermut Ataatsimiititaliap ilisimatinnissaa ataatsimiititaliamit aalajangiunneqarmat.

Aningaasaqarnermut Ataatsimiititaliap aalajangernera

Siuliani allassimasutut oqaaseqaateqarluni Naalakkersuisut inassuteqaataat ataatsimiititaliamit akuerineqarput.

Ataatsimiititaliaq sinnerlugu



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua